

先嚴松軒府君年譜

中華民國紀元前四十年八月二十二日生。西元一八七二。

即前清同治十一年，壬申，舊歷七月十九日己時。先曾祖父諱同春，字仁齋。妣氏王，氏史，氏程，氏武。先大伯父諱起龍，王田。先大父諱培龍，程田，字耀海，生前以字著聞，妣氏劉。先嚴生時，適值先大父七十歲，檢取從心二字，爲乳名，以誌慶幸。諱鶴年，字松軒，嘗自號補拙軒主人。

紀元前三十九年，二歲。舊歷癸酉。一八七三。

先大父卒。七月二十七日，即舊歷六月二十一日。先大父生於紀元前一百零八年三月二十六日，即清嘉慶八年二月十五日，享壽七十有一。

紀元前三十八年，三歲。舊歷甲戌。一八七四。

是年三月二十九日，即舊歷二月十二日，家慈謫生于華縣兵農堡。

紀元前三十七年，四歲。舊歷乙亥，光緒元年。一八七五。

冬，先大父遺豹變，詳見先大父年譜。

紀元前三十六年，五歲。舊歷丙子。一八七六。

紀元前三十五年，六歲。舊歷丁丑。一八七七。

紀元前三十四年，七歲。舊歷戊寅。一八七八。

紀元前三十二年，八歲。舊歷己卯。一八七九。

是年五月二十八日，即舊歷四月初八日，先二叔鶴守生。

紀元前三十二年，九歲。 舊歷庚辰。 一八八〇。

先父始入集塾讀書，塾師爲城南宋懷章，甚嚴厲，與先大父最契。

紀元前三十一年，十歲。 舊歷辛巳。 一八八一。

紀元前三十年，十一歲。 舊歷壬午。 一八八二。

是年三月一日，即舊歷正月十二日，姑母淑貞生。

紀元前二十九年，十二歲。 舊歷癸未。 一八八三。

先大父爲里甲事，與某某與訟，由本州，而同州，而華陰，而西安，終得直。

紀元前二十八年，十三歲。 舊歷甲申。 一八八四。

是年五月十八日，即舊歷六月二十八日，三叔鶴慶生。

紀元前二十七年，十四歲。 舊歷乙酉。 一八八五。

塾師宋病歿，維桂枝繼爲塾師。

紀元前二十六年，十五歲。 舊歷丙戌。 一八八六。

麥積發燬，又繼先生投井死，詳俱見先大父年譜。

紀元前二十五年，十六歲。 舊歷丁亥。 一八八七。

何光燧繼爲塾師。

雖案雖結，而受訟事連累者，供子弟誦讀之心，極爲澹漠。但先大父志不少懈，周旋其間，因請何續爲塾師。何作事每不近人情，平時在塾時絕少。僕衆多不滿意，令子弟輟學者甚多。

紀元前二十四年，十七歲。 舊歷戊子。 一八八八。

就學青臺卷。

堡壘雖無異，而先大父供給先嚴就學之心不少挫，令從學於王炳文先生處。先生老城內馬家巷人，在巷南青臺巷設教多年，學徒頗衆。先嚴得終業緒，即墓于此。

多婚娶。

母家氏王，世居縣東鄉兵農堡。父諱思敏，生子女共四人。長諱世年，次兆瑞，母行三，名眉峯。季女眉衝。時母年僅十五。吾家時尙清寒，母之苦楚，即自此始矣。

紀元前二十三年，十八歲。 舊歷己丑。 一八八九。

先大父遺張蔡人命牽連，詳見先大父年譜。

紀元前二十二年，十九歲。 舊歷庚寅。 一八九〇。

紀元前二十一年，二十歲。 舊歷辛卯。 一八九一。

紀元前二十年，二十一歲。 舊歷壬辰。 一八九二。

是年二月二十二日，即舊歷正月十六日，四叔鶴瑞生。

入學。

條歲考入學第二名。題爲：『子在齊聞韶』，二句破題：『雅樂聖聖，有味外味焉。』『學政使者甚嚴異之。』青臺卷來學者衆，而在學入泮者，多年只某君一人。以故次年若值歲科試，學生多相戒不肯來。先大父不惑其說，先父竟得入泮，鄉人多以爲異。

紀元前十九年，二十二歲。 舊歷癸巳。 一八九三。

考一等食廩。

科考一等補廩，題爲：『惟仁人爲能愛人能惡人』，破題：『馮愛於惡，仁人之能獨擅矣。』批云：『當爲通場題卷。』

紀元前十八年，二十三歲。 舊曆甲午。 一八九四。

肄業少華書院，二叔隨從讀書。

二叔婚娶。

紀元前十七年，二十四歲。 舊曆乙未。 一八九五。

仍任少華書院，并教讀二三叔父。

二叔赴四川經商。

二叔初從先父讀，先父資成甚優，曾未滿先大父讀之讀書十年之限，自時讀書學商，初在縣西關某號，二年後，遊先大父命，商於四川。

生一女， 孀不名。

紀元前十六年，二十五歲。 舊曆丙申。 一八九六。

遊學味經書院。

先父入學食廩後，對於求學之心，不少自限，仍欲努力上進。時劉光贊古愚先生，講學味經書院，甚負時望，主持革新。論學重實驗，不尚空談，做事尚實踐，不務虛聲，為西北陸一新教育機關。先父一生思想學行，由此遂樹不拔之基。

紀元前十五年，二十六歲。 舊曆丁酉。 一八九七。

六月一日，即舊曆五月初二日，鍾健生。時值先大父五十之年，因取天命二字為乳名。

紀元前十四年，二十七歲。 舊曆戊戌。 一八九八。

與同志創立友仁學會。

戊戌變法以後，先嚴思想劇變。注重實業，教育，研究科學。遂聯絡同志，組織同仁學社。擬定章程，經劉古愚先生改名友